

Ciet Baeugroxdox Minzsuz Vwnzva Lijyouz Ndei Yawj Raixcaix

布洛陀民俗文化旅游节精彩纷呈

4 nyied 17 hauh, youq gwnz ciet 2013 Bwzswz Si Baeugroxdox Minzsuz Vwnzva Lijyouz, miz ciengj bauqva、ram bawxmoq、aemq bawxmoq、umj bawxmoq doxdax, miz vaiz doxdaemj doxdax、bau aendomq doxdax, doengh gij diyyuz doxdax hanghmoeg moq ndawbiengz neix cungj dwg bingzseiz daj swnghcanj swnghhoz ndawde bienq daeuj, Bouxcuengh minzcuz daegsaek noengznwd nwd; gvanbaz rap mayungz doxdax dwg angqhoh fungsou, youh dwg beij rengz hung, ceiq yinx vunzlai daeuj yawj, ndaej daengz vunzlai haenhnde. (Lij Hungz Ginh)



▲Doxdax eu fwen.



▲Ram bawxmoq buetvaiaq doxdax.



Sihlinz: Nungzminz Ndaem Byaek Daehngaenz Bongz

西林: 农民种菜鼓起钱袋子

Geij bi neix daeuj, gyoengq nungzminz Sihlinz Yen Bujhoz Yangh Cejdij Cunh Mbanjveijlaiz baengh aen diuzgen ndei gyawj yienhsingz neix, ranzranz ndaem byaek daeuj demgya souhaeuj. Seizneix, gyoengq nungzminz aen mbanj neix baengh ndaem byaek moix ranz moix bi ndaej souhaeuj 2 fanh maenz doxhwnj, miz haujlai vunz hwnj ndaej ranzlaeuz.

Mbanjveijlaiz dwg mbanj Yauzcuz, daengx mbanj miz 43 hoh 190 vunz, vunz ndaw mbanj doxhuz doxnde, gwndaenj ngoenz beij ngoenz ndei. (Dangh Cihsungh)



Lungzlinz: Nungzminz Mbaet Va Nyaengqfaengfaeng

隆林: 农民摘花正忙时

Geij bi neix daeuj, Lungzlinz Gak Cuz Swciyen dawz ndaem vagimngaenz dangguh goekgaen canjyez ndaw yienh, ciuq aen mozsi “gunghsw + gihdi + nungzhoh” neix bae guh, guhbaenz diuz lienh canjyez vagimngaenz——dajndaem doigvangq、gisuz fuzvu、sou vamoq、gyagoeng vamoq、gai vamoq、gyagoeng huq baujgen, guh yw swnghcanj. Vagimngaenz canjyez gaenq baenz hangh canjyez nungzminz demcanj demsou ndeu. Seizneix, daengx yienh gaenq ndaem vagimngaenz 2.35 fanh moux, moix moux ndaej sou 100 goenggaen, ciuq sou gyaq moix goenggaen 20 maenz suenq, gujsuenq gai ndaej ngaenz 2000 lai fanh maenz. (Sinvwnz)

Liujcwngz: Cwngcwz Ndei Cauxfuk Nungzminz

柳城: 让好政策滋润万民

Geij ngoenz gonq, Liujcwngz Yen guh “Liujcwngz Yen Yangzgvangh Giuhfungh Veiminz Cwngcwz Haeuj Lajmbanj” hozdung, Liujcwngz Yen Nungzyez Giz、Dangzyez Giz、Minzcwnz Giz、Gyauyuz Giz daengj cib lai aen danhvei bumwnz daeuj daengz gwnz hozdung baij daiz senhconz cwngcwz ndei, hoizdap ginzcong cam vah, fat saw senhconz hawj ginzcong, gangj ndaem haeux、cawx gihgai、ndaem oij、yihliuz baujyenj ndaej boujngaenz gij cwngcwz ndei neix hawj ginzcong rox. (Cinz Yenzyenz)



Cenzcouh: Ceng Guh Bouxvunz Vwnzmingz Doengzcaez Dawz Cenzcouh Gensez Ndei

全州: 争做文明市民 共建美丽全州

Mboengq gonq, Cenzcouh Yen miz 2000 lai boux gihgvanh ganbu、hagseng、giyez caeuq ginzcong daiyauj camgya daezsang ginzcong suciz gijdung yizsi. Doeng-gvaq gaihcanj “Ceng Guh Bouxvunz Vwnzmingz, Doengzcaez Dawz Cenzcouh Gensez Ndei” hozdung, gyauyuz sonyinx ginzcong hag baenz gangj vwnzmingz sibgveng, hungzyangz vwnzmingz funghsang moq, daezsang gyoengq ginzcong suciz caeuq sevei vwnzmingz cwngzdu. (Vangz Swzcang)

